

S T E N O G R A M

**Konstituirajuće sjednice Skupštine Kantona
Sarajevo, održane 16.11.2018.godine
sa početkom rada u 10,00 sati**

Predsjedateljica Ana Babić (u daljem tekstu predsjedateljica):

Poštovane dame i gospodo, uvažene zastupnice i zastupnici, članovi Vlade, cijenjeni gosti i svi mediji koji pratite današnje zasjedanje.

U skladu sa članom 7. stav 2. Poslovnika Skupštine Kantona Sarajevo otvaram Konstituirajuću sjednicu Skupštine Kantona Sarajevo.

/HIMNA/

Veliko mi je Zadovoljstvo mi je pozdraviti novoimenovane zastupnice i zastupnike u Skupštini Kantona Sarajevo, kao i sve one koji su dužnost obnašali do sada, članove Vlade Kantona Sarajevo i predstavnike medija koji prate rad današnje naše Konstituirajuće sjednice.

Poseban pozdrav gledaocima Televizije Kantona Sarajevo koja prati, naravno i ostale medije koji prate ovu sjednicu.

Dnevni red Konstituirajuće sjednice glasi:

1. Izvještaj Izborne komisije BiH o ovjeri mandata osobama koje su dobile poslanički/zastupnički mandat u Skupštini Kantona Sarajevo;
2. Konstituisanje klubova naroda i kluba Ostalih u Skupštini Kantona Sarajevo;
3. Potvrđivanje prijedloga kandidata za izbor predsjedavajućeg i zamjenika predsjedavajućeg Skupštine Kantona Sarajevo;
4. Prijedlog za izbor Komisije za izbor i imenovanja i administrativna pitanja Skupštine Kantona Sarajevo;
5. Izbor delegata u Dom naroda Parlamenta FBiH.

Sada prelazimo na Prvu tačku dnevnog reda. Uvaženi novoizabrani zastupnik, još niste zvanično, ali evo uvaženi zastupnik Elmedin Konaković izvolite.

poslanik/zastupnik Elmedin Konaković:

poštovana predsjedavajuća, poštovani novoizabrani zastupnici, cijenjeni članovi Vlade Kantona Sarajevo, poštovani mediji, gledaoci TVSA se vas srdačno pozdravljam i želim vam uspješan rad današnje i uspješan mandata svim novoizabranim zvaničnicima u Kantonu Sarajevo i imam mogu reći uobičajene prijedloge na konstituirajućim sjednicama. Prije svega prijedlog broj 1 molio bih predsjedavajuća da Skupštini date na izjašnjavanje prijedlog da danas razmatramo tačku 1 pa tačku 4. imenovanje Komisije za izbor, imenovanje i administrativna pitanja Skupštine Kantona Sarajevo jer je to komisija koja se bavi primarno radno

pravnim statusima novoizabranih ali i onih zastupnika koji završavaju svoje mandate tako da je zaista nužno da se što prije uspostavi. Može potpisivati rješenja o profesionalizaciji novih zastupnika i prestanku radnog odnosa što je jako bitno ljudima zbog poreskih kartica koji završavaju svoje mandate.

Drugi prijedlog zaključka jeste, mogu opet reći jedna uobičajena praksa, a vezan je za budžet Kantona Sarajevo i vezan je za život građana Kantona Sarajevo. Predlažemo da Skupština zaključkom pošto Poslovnikom nije definisano način sazivanja sjednice, ja imam ovdje stenogram iz prošlog saziva u kojem smo uradili identičnu stvar, definiše održavanje hitne sjednice za narednu sedmicu u kojoj bi se razmatrao Nacrt budžeta, i ovlasti jednog od zastupnika koju bi tom sjednicom rukovodio, kako bi Nacrt budžeta za koji imamo saznanja da ga je Vlada kantona bio prihvaćen i proslijeđen u dalju proceduru, kvalitetnu javnu raspravu i ne bi ugrozio zbog konstituisanju Skupštine Kantona Sarajevo dakle ni projekte koji su u toku i u fazi realizacije, ni projekte koji trebaju biti realizovani, i s posebnim osvrtom kako mi je sada sugerisao ministar Halebić, na ovo osjetljivo pitanje akademske zajednice prelaska na trezor i rokovi, zakonski rokovi za usvajanje budžeta koje ova Skupština poštuje već nekoliko zadnjih godina, bi trebali biti nastavljeni bez obzira na političku situaciju. Dakle, predlažem taj zaključak broj 1 da se točka 4 razmatra danas, i drugi zaključak je da se odredi datum, mi smo imali prijedlog četvrtak, Vlada predlaže utorak pa bi možda mala konsultacija šefova klubova i predstavnika klubova dobrodošla samo da se dogovorimo oko održavanja ove sjednice. Ako možete možda minut jednu pauzu da vidimo jel to u utorak 20. kako predlaže Vlada ili ako jeste, ne treba evo, neka onda bude utorak 20. Hitna sjednica u kojoj ćemo se izjasniti a onda neka neko predloži ko će rukovoditi tom sjednicom. Hvala vam.

Predsjedateljica:

hvala lijepo uvaženi zastupniče Konakoviću. Mislim da se trebamo prvo izjasniti o prvom zaključku pa onda tek o drugom. Ja vjerujem da je služba već objasnila našim zastupnicima sistem glasanja, ja ću dakle predložiti da se izjasnimo o prvom zaključku uvaženog zastupnika Konakovića. Ja sada imam sugestiju, odnosno prijedlog sekretara Skupštine Almire Kulovac Šetkić da bi bilo dobro da prvo obavimo svečanu zakletvu jer niste zastupnici pa onda ne možemo ni pristupiti glasovanju. Hvala lijepo na razumijevanju. Evo nastavljamo sa radom.

Dakle, na prvoj tački dnevnog reda smo a to je:

AD – 1.

IZVJEŠTAJ IZBORNE KOMISIJE BIH O OVJERI MANDATA OSOBAMA KOJE SU DOBILE ZASTUPNIČKI MANDAT U SKUPŠTINI KANTONA SARAJEVO za 2018-2022

U skladu sa odredbama člana 8. Poslovnika Skupštine Kantona Sarajevo predočavam vam dostavljeni Izvještaj Izborne komisije BiH o ovjeri mandata osobama koje su dobile zastupnički mandat.

To su:

Hamed Aljović, Bešlija Vildana, Bišćević-Tokić Jasmina, Čampara Aljoša, Čelik Mirza, Delalić Sabahudin, Dević Mahir, Neira Dizdarević, Duraković Jasna, Efendić Semir, Edin Forto, Hadžibajrić Ibrahim, Handžić Vibor, Hasagić Amra, Hasanović Senad, Hodžić Admela, Jakupović Vedran, Junuzović-Kaljić Amra, Kerla Bibija, Konaković Elmedin, Kristić Danijela, Kurić Mirvad, Marić Zvonko, Marjanović Damir, Mekić Amel, Memić Arijana, Milavica Sead, Nikšić Damir, Okerić Elvedin, Pleho Haris, Poturak Dževad, Srna-Bajramović Segmedina, Stojanović Igor, Suljević Samir, Viteškić Smiljana.
--

Novoizabrani zastupnici, Smiljana Viteškić, Dževad Poturak i Sabahudin Delalić su ranije pristupili u prostorije Skupštine i preuzeli uvjerenja o dodjeli mandata, te potpisali svoje izjave a vi ćete u toku ove sada naše Skupštine.

Ja ću sada čitati imena pa ću prozivati jedno po jedno da izađu i uzmu ove izjave koje morate prije zakletve potpisati da bi smo mogli pristupiti. Molim vas mir u Skupštini i da me ne ometate.

Hamed Aljović, Bešlija Vildana, Bišćević-Tokić Jasmina, Čampara Aljoša, Čelik Mirza, Delalić Sabahudin, Dević Mahir, Neira Dizdarević, Duraković Jasna, Efendić Semir ništa, Edin Forto, Hadžibajrić Ibrahim (ništa), Handžić Vibor, Hasagić Amra, Hasanović Senad, Hodžić Admela, Jakupović Vedran, Junuzović-Kaljić Amra, Kerla Bibija, Konaković Elmedin, Kristić Danijela, Kurić Mirvad, Marić Zvonko, Marjanović Damir, Mekić Amel, Memić Arijana, Milavica Sead, Nikšić Damir, Okerić Elvedin, Pleho Haris, Poturak Dževad, Srna-Bajramović Segmedina, Stojanović Igor, Suljević Samir, Viteškić Smiljana.

Prije nego što nastavimo, molim vas samo da pitam da li ste svi ovjerili ove vaše izjave da bi smo mogli krenuti sa zakletvom? Ako treba sačekat ćemo par minuta. I još samo da vas izvijestim, dva zastupnika koja sam prozvala to je uvaženi Ibrahim Hadžibajrić i Semir Efendić oni još uvijek nisu zvanično kalkuliše se po medijima ali u Skupštinu nije došlo nikakvo izjašnjenje pa sam ih iz tih razloga i prozvala. Ako vam treba još koji sekund, ja ću sačekat, ako ne onda da nastavimo.

Sada nastavljamo sa našom sjednicom, molim vas da svi ustanete da bi smo pristupili Svečanoj izjavi.

«SVEČANO IZJAVLJUJEM DA ĆU POVJERENU DUŽNOST OBAVLJATI SAVJESNO, PRIDRŽAVATI SE USTAVA I ZAKONA BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO, ZALAGATI SE ZA LJUDSKA PRAVA I SLOBODE I DA ĆU U SVIM PRILIKAMA ŠTITITI INTERESE BOSNE I HERCEGOVINE,

FEDERACIJE BOSNE I HERCEGOVINE I KANTONA SARAJEVO I RAVNOPRAVNOST NARODA I GRAĐANA KOJI U NJIMA ŽIVE».

Hvala lijepo i želim vam sreću i uspješan mandat.

I još samo da podsjetim da ove Svečane izjave treba također da potpišete.

A sada nastavljamo sa radom. Dobili smo inicijativu od zastupnika Elmedina Konakovića da se izjasnimo o zaključku koji je jako bitan da se 4. točka razmatra odmah sada i da zbog konstituisanja komisije za izbor i imenovanja da to sada bude ova točka. Pa vas molim da se izjasnimo glasanjem, pošto ste sada već zvanično zastupnici. Zaključujem glasanje.

I konstatiram da je 31 zastupnik glasao ZA, protiv nije bio nitko i suzdržan nitko. Te konstatujem da je ovaj zaključak usvojen.

Dakle, ovu Komisiju će sačinjavati predsjednik Elmedin Konaković, zamjenica će biti Segmedina Srna Bajramović, članovi će biti: Bibija Kerla, Vibor Handžić, Zvonko Marić, Amra Junuzović i Mirza Čelik.

Komisija za izbor i imenovanje i administrativna pitanja Skupštine Kantona Sarajevo osim nadležnosti iz člana 37 Poslovnika obavljat će poslove u vezi sa izborom delegata u Dom naroda FBiH.

Sada bi se trebali izjasniti o drugom zaključku, a drugi zaključak je da se odredi termin, već smo i pričali o tom. A pardon. Da se sada izjasnimo o Komisiji. Očito da jedva čekam da odem. Dakle, molim da se izjasnimo o prijedlogu Komisije za izbor, imenovanje i administrativna pitanja u Skupštini Kantona Sarajevo. Pristupite glasanju. Zaključujem glasanje. I konstatiram da je ZA glasalo 33 zastupnika, nitko nije bio protiv i nitko nije bio suzdržan.

Te je Skupština prihvatila ovo imenovanje za izbor i imenovanje administrativnih pitanja.

A sada prelazimo na ovaj drugi zaključak a to je da se hitna sjednica Skupštine održi rekli ste 20, jel tako? Pa evo ja molim da se i po ovom zaključku referišemo i da pristupimo glasanju. Zaključujem glasanje.

I konstatiram da je 32 glasalo ZA, nitko nije bio protiv i nitko nije bio suzdržan.

Hvala lijepo.

Obzirom da smo. Uvaženi zastupnik Forto imate riječ, izvolite.

Poslanik/zastupnik Edin Forto:

dobar dan. Pozdravljam sve prisutne. Pošto smo zakazali sjednicu koju treba odraditi po pitanju Budžeta već 20, mi bi trebali imenovati zaključkom Skupštine nekoga da predvodi tu sjednicu. Nekoga ko je u novom sazivu delegata ovog tijela. Evo ja bih odmah, ja imam jedan prijedlog, mislim da bi bilo dobro da to vodi gospodin kolega Konaković i ako možemo da se izjasnimo o tome- hvala.

Predsjedateljica:

evo dajem ovaj prijedlog uvaženog zastupnika Edina Forte na glasanje. Pristupite glasanju. Zaključujem glasanje. I konstatiram da je 23 zastupnika glasalo za, protiv bilo 4 i suzdržano bilo 5.

konstatiram da je Skupština usvojila prijedlog Edina Forte, da sljedeću sjednicu, odnosno hitnu sjednicu Skupštinu Kantona Sarajevo da zasjeda uvaženi zastupnik Elmedin Konaković.

Ovim bi danas zaključili ovu sjednicu. Prekinuli i nastavljamo kako smo se dogovorili. Svi zastupnicima želim uspješan rad, konstruktivan rad i svaku sreću u narednom mandatu.

**PRVI NASTAVAK KONSTITUIRAJUĆE SJEDNICE
SKUPŠTINE KANTONA SARAJEVO
ODRŽAN 28.11.2018.GODINE SA POČETKOM U 10,00 SATI**

Predsjedateljica Ana Babić (u nastavku predsjedateljica):

U skladu sa članom 7. stav 2. Poslovnika Skupštine Kantona Sarajevo otvaram nastavak Konstituirajuće sjednice Skupštine Kantona Sarajevo. /HIMNA/

Pozdravljam sve uvažene kolegice i kolege zastupnike, članove Vlade i uvažene goste, kao i predstavnike medija koji prate rad današnje sjednice. Posebno pozdrave upućujem našim gledaocima koji nas prate ispred Kantonalne televizije Sarajevo.

Svima nama svakako želim ugodan rad i dobru atmosferu u našoj sali.

Prema evidenciji skupštinske Službe, prisutno je 34 zastupnika, što je sasvim dovoljni za odlučivanje.

Izostanak sa ove sjednice opravdala Bibija Kerla.

Ja vas podsjećam da smo na prethodnom zasjedanju koje je održano 16.11.2018.godine obradili dvije tačke Dnevnog reda, a to je: 1. i 4. tako da preostaju sljedeće tačke:

2. Konstituisanje klubova naroda i kluba Ostalih u Skupštini Kantona Sarajevo;
3. Potvrđivanje prijedloga kandidata za izbor predsjedavajućeg i zamjenika predsjedavajućeg Skupštine Kantona Sarajevo;
5. Izbor delegata u Dom naroda Parlamenta FBiH.

Također, Prije prelaska na realizaciju Dnevnog reda imam obavezu upoznati vas da su jutros dostavljene Odluke Centralne izborne komisije BiH,

- broj: o6-1-07-1-622/18 od 27.11.2018.godine, sljedećem kvalificiranom kandidatu sa liste političkog subjekta Stranke demokratske akcije i
- broj: o6-1-07-1-623/18 od 27.11.2018.godine, sljedećem kvalificiranom kandidatu sa liste političkog subjekta Nezavisna bosanskohercegovačka lista za Skupštinu Kantona Sarajevo,

čime im je dodijeljen mandat zastupnika u Skupštini Kantona Sarajevo.

Također napominjem da su dosadašnji zastupnici Semir Efendić i Ibrahim Hadžibajrić odustali od mandata zastupnika u Skupštini Kantona Sarajevo, te stoga je njihovo mjesto popunjeno sljedećim kandidatom sa liste Stranke demokratske akcije i Nezavisne bosanskohercegovačke liste.

Sada pozivam uvažene Samru Ćosović-Hajdarević i Hajrudina Pecikozu da polože Svečanu izjavu.

SVEČANA IZJAVA

„SVEČANO IZJAVLJUJEM DA ĆU POVJERENU DUŽNOST OBAVLJATI SAVJESNO, PRIDRŽAVATI SE USTAVA I ZAKONA BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO, ZALAGATI SE ZA LJUDSKA PRAVA I SLOBODE I DA ĆU U SVIM PRILIKAMA ŠTITITI INTERESE BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO I RAVNOPRAVNOST NARODA I GRAĐANA KOJI U NJIMA ŽIVE“.

Čestitam vam.

Sada prelazimo na drugu tačku dnevnog reda.

AD – 2.

KONSTITUISANJE KLUBOVA NARODA i KLUBA OSTALIH U SKUPŠTINI KANTONA SARAJEVO

U okviru ove tačke dnevnog reda ja moram da vas upoznam sa odredbama čl. 9. i 10. Poslovnika Skupštine Kantona Sarajevo koji regulišu konstituisanje klubova naroda.

Nakon davanja i potpisivanja svečane izjave, u Skupštini se osnivaju klubovi zastupnika konstitutivnih naroda i Ostalih.

Pa su to Klubovi naroda su:

- Klub Bošnjaka;
- Klub Hrvata;
- Klub Srba i
- Klub Ostalih

Ako u Skupštini nema izabranih predstavnika nekog od konstitutivnih naroda ili Ostalih, klub tog naroda neće biti osnovan.

Svaki klub naroda i Ostalih bira predsjednika, a može izabrati i zamjenika predsjednika, koji rukovode klubom i usklađuju njegov rad.

Poslovníkom o radu klubova naroda i Ostalih svaki će klub urediti način svoga rada.

Svaki klub naroda i Ostalih bira i predlaže među svojim članovima jednog kandidata za mjesto predsjedavajućeg ili zamjenika predsjedavajućeg Skupštine.

Skupština glasanjem potvrđuje izbor kandidata, i to natpolovičnom većinom od ukupnog broja izabranih poslanika/zastupnika u Skupštini.

Četiri kandidata čiji je izbor potvrdila Skupština između sebe odlučuju ko će biti predsjedavajući Skupštine i odluku saopćavaju Skupštini.

Ako u Skupštini nema zastupnika, odnosno kluba nekog od konstitutivnih naroda i Ostalih, mjesto zamjenika predsjedavajućeg Skupštine iz tog konstitutivnog naroda i Ostalih ostaje upražnjeno.

S obzirom na citirane odredbe Poslovnika Skupštine, ja predlažem sada pauzu od 30 minuta i pozivam vas da svi klubovi naroda, znači Klub naroda Bošnjaka, Hrvata, Srba i Ostalih da održe svoje konstituirajuće sjednice i to:

Klub Bošnjaka u sali br. 100 – sala Skupštine Kantona

Klub Hrvata u kancelariji br. 159

Klub Srba u kancelariji br. 105 – kabinet Sekretara Skupštine

Klub Ostalih u kancelariji br. 166

Pauza znači sada.

NASTAVAK NAKON PAUZE

Predsjedateljica:

U pauzi Skupštine obavljeno je konstituisanje klubova naroda u Skupštini Kantona Sarajevo i time su se stekli uvjeti da nastavimo sa radom Skupštine i sada prelazimo na tačku 3. dnevnog reda.

AD – 3.

POTVRĐIVANJE PRIJEDLOGA KANDIDATA ZA IZBOR PREDSJEDAVAJUĆEG I ZAMJENIKA PREDSJEDAVAJUĆEG SKUPŠTINE KANTONA SARAJEVO

Ovim putem Molim predstavnika Kluba Bošnjaka da predloži kandidata za izbor predsjedavajućeg ili zamjenika predsjedavajućeg Skupštine Kantona Sarajevo iz reda Bošnjačkog naroda.

To je uvažena zastupnica Amra Junuzović - Kaljić izvolite.

Poslanik/zastupnik Amra Junuzović – Kaljić:

srdačno sve pozdravljam i želim da kažem da na današnjem sastanku Kluba Bošnjaka za prijedlog kandidata za predsjedavajućeg Elmedin Konaković sa većinom glasova.

Predsjedateljica:

hvala lijepo uvažena zastupnice Kaljić.

Ja vas sada molim da pristupimo glasovanju. Idem po redu. Ne glasa se u paketu. Ja sada moram da Skupštini na glasanje da li se Skupština da vi budete prijedlog. Evo sekretar molim vas dajte objašnjenje. Sekretar Almira Kulovac Šetkić.

Sekretar po ovlaštenju Almira Kulovac Šetkić:

hvala predsjedavajuća. Pošto znam da ima ovdje još nekih koji znaju jako dobro Poslovnika pa eto upratite me ako sam ja opet pogriješila a za ono žrijebanje zaista jesam, izvinjavam se što sam pogriješila.

Skupština glasanjem potvrđuje izbor kandidata i to natpolovičnom većinom od ukupnog broja poslanika. Dakle, do sada u svakom mandatu smo glasali pojedinačno dakle za svakog kandidata.

Predsjedateljica:

je li sada sve u redu. Uvaženi zastupnik Aljoša Čampara, izvolite.

poslanik/zastupnik Aljoša Čampara:

zahvaljujem predsjedavajuća. Ja bih molio da se baziramo na član 9. Poslovnika kao i član 10. poslovnika. U članu 10 Skupština glasanjem potvrđuje izbor kandidata i to natpolovičnom većinom od ukupnog broja izabranih poslanik/zastupnika u Skupštini. To je bio član 10. stav 2. Pa onda stav tri, četiri kandidata čiji je izbor potvrdila Skupština između sebe odlučuju ko će biti predsjedavajući skupštine i odluku saopćavaju Skupštini. Dakle, radi se o sljedećem, da bi smo mi ušli u ovu fazu, svaki klub naroda: Klub Bošnjaka, Klub Srba i Klub Hrvata i Klub Ostalih treba da da svoje prijedloge onako kako su oni to uradili i završili na svojim sjednicama a onda Skupština većinom glasova potvrđuje ta četiri kandidata ukoliko ih ima četiri, a mi sada svi znamo da imaju četiri kandidata iz sva tri naroda, iz reda Ostalih i onda oni između sebe biraju predsjedavajućeg. Mislim da je to vrlo tačno, precizno i decidno ovdje napisano u samom Poslovniku. Hvala.

Predsjedateljica:

Hvala lijepo. Za riječ se javio uvaženi zastupnik Mahir Dević izvolite.

poslanik/zastupnik Mahir Dević.

Naravno ja ću se nadovezati na ovo što je kolega Čampara kazao. Znači duh Poslovnika ovoga kaže kristalno jasno da klubovi naroda delegiraju svoje predstavnike u rukovodstvo. Prema tome, Bošnjaci ne mogu birati predstavnike Srbima, niti Hrvatima, kao što ni Hrvati ni Srbi ne mogu birati predstavnike Bošnjacima. Prema tome, iz tog razloga mi glasamo u paketu i na neki način kao najveći zakonodavni organ u kantonu legitimiramo predstavnike svih naroda. Ne možemo mi sada kao Skupština glasati protiv nekih Hrvata i Srba, evo prije svega mi, Bošnjaci. A onda dalje Poslovnik kaže da između njih četvero oni se dogovore

ko je predsjedavajući Skupštine Kantona Sarajevo. Tako da je tu situacija vrlo jasna. Dakle, mi glasamo u paketu po Poslovniku za sva četiri kandidata a oni između sebe onda izaberu predsjedavajućeg Skupštine.

Predsjedateljica:

hvala lijepo. Evo ja ću dati riječ uvaženom sekretaru Almira Kulovac Šetkić izvolite.

Sekretar po ovlaštenju Almira Kulovac Šetkić:

hvala predsjedavajuća. Ja zaista evo zamolila da mi se kaže gdje u Poslovniku piše da se glasa u paketu? Ja zaista to ovdje ne vidim.

Znači član 10 kaže svaki klub naroda bira i predlaže među svojim članovima jednog kandidata za mjesto predsjedavajućeg. Onda kaže dalje, Skupština glasanjem potvrđuje izbor kandidata. Kandidata ili kandidata kako sad ko tumači. Onda kaže dalje tri kandidata čiji je izbor potvrdila Skupština, znači tri kandidata posebno svakog potvrđuje. Znači ta tri koja je potvrdila, odnosno kod mene je stari Poslovnik zato sam i onu izmjenu četiri kandidata koja je potvrdila Skupština. Znači ona ne mora da potvrdi četiri kandidata. Eto ja opet, Skupština je ta koja donosi Poslovnik i Skupština je ta koja Poslovnik može tumačiti. Kako god vi tumačite ovu odredbu to je vaše pravo.

Predsjedateljica:

Poslovnička intervencija uvaženi zastupnik Mahir Dević izvolite.

poslanik/zastupnik Mahir Dević:

hvala vam u ovom se članu kristalno jasno kaže da Skupština potvrđuje izbor kandidata, množina, (nerazumljivo), a onda u narednom članu stavu odnosno jasno pojašnjava pa kaže, tri , odnosno sada pošto je došlo do izmjene Ustava to je četiri jer ne možemo mi sebe kao Skupština dovesti u situaciju da mi predstavnike nekog naroda ne uvažimo jer su klubovi naroda iz tog razloga formirani da delegiraju to ljude u rukovodstvo bira predsjedavajućeg. Stvar je tu kristalno jasna, ne mogu ja biti protiv nekoga koja je klub Ostalih predložio u rukovodstvo. Kako da glasam ja protiv tog čovjeka jer ja sam Bošnjak naravno. Znači tu je stvar jasna, kandidata. I naredni stav kaže četiri odjednom da se glasa naravno.

Predsjedateljica:

hvala lijepo uvaženi zastupniče Dević. Uvaženi zastupnik Aljoša Čampara poslovnička intervencija, izvolite.

Poslanik/zastupnik Aljoša Čampara:

zahvaljujem predsjedavajuća. Dakle vrlo je potrebno u pravu koristi logiku. Dakle to je ja mislim osnovni preduslov. Ovako kako sekretar predlaže da može, onda znači da bi Bošnjaci kao većina u ovoj Skupštini mogli određivati Klubu Srba, Klubu Hrvata, Klubu Ostalih ko će biti u rukovodstvu Skupštine. Pa upravo je Poslovnik i zakonodavac donio ovakav Poslovnik da se poštuje volja konstitutivnih naroda i Ostalih da ne bi došli u situaciju preglasavanja. Ili, mi smo danas na Klubu Bošnjaka izabrali gospodina Konakovića sa 15 glasova ZA, znači neko bi mogao da se napravi neka druga sada većina ovdje u Skupštini da to ponište i da ponište volju većinskog Kluba Bošnjaka u Skupštini kantona. Dakle, apsolutno ovdje u članu 10. stav 2. stoji Izbor kandidata i ovo je kristalno jasno. Naravno, možemo mi sada silovati demokratiju pa možda nekome nije drago što je neki kandidat izabran ali demokratska većina je takva kakva je. Kada imate po jednog ili kada imate isti broj kao što je u Klubu Srba onda se vrši žrijebanjem. Ja mislim da je ovdje problem u Klubu Srba zato što je žrijebanjem izvučena gđa Smiljanja Viteškić, pa sada neki pokušavaju da siluju Poslovnik na ovaj način. Ja opet plediram da se držimo stvarno procedure i Poslovnika i logike koja ovo nalaže. Ovdje je apsolutno sve kristalno jasno. Evo još jednom vam mogu ponoviti, dakle nemojte da dolazimo situaciju da jedni preglasavamo druge. Hvala.

Predsjedateljica:

hvala lijepo uvaženi zastupniče Čampara, uvaženi zastupnik Elmedin Konaković izvolite.

Poslanik/zastupnik Elmedin Konaković:

uvažena predsjedavajuća, poštovani kolege zastupnici, poštovani članovi Vlade, cijenjeni gosti, gledaoci TVSA sve vas srdačno pozdravljam i tražim pauzu od pet minuta za konsultacije po ovoj tački.

Predsjedateljica:

hvala lijepo. Pauza 5 minuta.

NASTAVAK NAKON PAUZE

Predsjedateljica:

uvaženi zastupniče Konakoviću evo hoćete li obrazložiti pauzu, ima li potrebe?

Poslanik/zastupnik Elmedin Konaković:

hvala vam poštovana predsjedavajuća. Obrazložit ću pauzu. Naravno, ona je bila u svrhu iznalaženja rješenja koje je više političko nego proceduralno. I ovako ću to obrazložiti: čitajući stenograme potpuno je u pravu sekretar Skupštine. Analizirajući to s pravnog osnova ukoliko ne piše u nekoj preambuli ili u nekoj

rečenici množina, tretira se to kao jednina. Dakle nemamo nikakav problem s pravnim osnovom da se ova stvar dešava onako kako evo stenogram sa prošle sjednice kaže, pristupite za izjašnjavanje predsjedavajućeg iz reda bošnjačkog naroda, kandidat Sabahudin Delalić. 21 ZA, 13 suzdržanih i 1 protiv, pa dalje Hrvata, pa dalje ostalih pa dalje Srba. Slaviša Šućur uzima riječ i odbija, dakle to je potpuno tačno sve što je rekla sekretar Almira Kulovac Šetkić. S druge strane, ovdje se problem pojavljuje u smislu nedorečenosti Poslovnika koji nas, koje je danas izabrao klub naroda favorizuju da ovu funkciju obavljamo naredne četiri godine bez obzira na eventualne demokratske procese pa čak i bez obzira da li mi taj posao radimo dobro ili ne. Dakle, s tim u vezi, nekako čini mi se da smo napravili načelni dogovor da danas glasamo u paketu, napravimo čak presedan u smislu slanja jasne političke poruke, a zadužimo hitno ili u što skorijem roku komisiju ili sekretara da se u izmjenama Poslovnika predvidi opcija, da ukoliko Elmedin Konaković iz reda bošnjačkog naroda ne bude imao podršku svog kluba u narednom periodu da recimo jedan dio članova tog kluba može procedurom zatražiti njegovu promjenu. A da sada ovdje puno ne politiziramo, naravno da je to bitno s obzirom da je Skupština Kantona Sarajevo i njeno rukovodstvo odraz neke većine koja je podrška Vladi, a kako bi smo na taj način izbjegli eventualne konfrontacije. Tako da nakon ove Skupštine i konsultacija mi predlažemo da se danas glasa kao nikada do sada, u paketu, a da se ne mora to biti zaključak, mi ćemo to uraditi na narednim sjednicama u izmjenama Poslovnika predvidi opcija promjene bilo kojeg člana, evo recimo i u Klubu Hrvata sutra, ako Marjanović Kristić budu eventualno imali razlike u pogledu obavljanja tog posla, mogu, ili u klubu Bošnjaka to mogu reći lično, na neki način pristupi izmjenama u rukovodstvu a time će sve nas, siguran sam, dodatno obavezati da svoj posao radimo još bolje. Zahvaljujem se.

Predsjedateljica:

hvala lijepo uvaženi zastupniče Konakoviću. Uvaženi zastupnik Stojanović, vi ste tražili riječ. Izvolite.

poslanik/zastupnik Igor Stojanović:

hvala predsjedavajuća. Pa ja se moram osvrnuti na diskusiju zastupnika Čampare vezano za Klub Srba. Kao što zastupnici znaju u Klubu Srba su dva zastupnika i žrijebom je odlučeno i ko je predsjednik Kluba i ko će biti prijedlog ispred Kluba Srba za rukovodstvo Skupštine kantona. Iako žrijeb ne odražava volju većine, u svakom slučaju, žrijeb je sreća. Mislim da njegovo insinuiranje da neko nije zadovoljan i da neko neće poštovati ono što piše u Poslovniku, nije dobro. Očigledno da zastupnik Čampara u odnosu na svoje iskustvo iz Federalne Vlade gdje je navikao da se na ovakav način prelamaju stvari, vjerovatno se boji da će to uraditi i ova skupštinska većina koja se već nazire. To se neće desiti. Mi ćemo glasati ovako kako je u Poslovniku propisano i kako su klubovi naroda donijeli

odluke. Ali ono što je jako bitno za nastavak dalje rada Skupštine je to da u buduće ova Skupština tumači upravo ovo o čemu su diskutovali zastupnici Čampara i Dević a radi se o tome da li govorimo o kandidatima ili o jednom kandidatu s obzirom da stoji kandidata. I da se očigledno u diskusijama sada tumači u potpuno drugačije. Ova skupština mora se odlučiti s obzirom na sve druge izbore koji će se dešavati a nalazimo se na početku mandata. Hvala.

Predsjedateljica:

hvala lijepa. Ako smo našli rješenje, molim vas samo da ne rasplinjujemo ovu diskusiju, molim vas da završavamo ovo. Uvaženi zastupnik Aljoša Čampara, poslovnička intervencija izvolite.

poslanik/zastupnik Aljoša Čampara:

pa bih prije rekao da je replika, ali naravno dobronamjerna, bez ikakve namjere. I u Vladi Federacije se naravno donose većinom glasova, i tamo je propisano sve zakonom i poslovníkom. Dakle ja ništa ovdje nisam rekao, evo da ne ulazim u dalje rasprave, ali što se tiče sreće, stvarno je sreća ovaj put bila na strani zastupnice Smiljane Viteškić iz Kluba SDA. I to sretna je dva puta bila, jednom je žrijebanje bilo za predsjednicu Kluba izabrana je i tu žrijebanjem a drugi put za člana Kolegija Skupštine. Ali to nije stvar ni moja ni njena ni od gđina Stojanovića. Nego je to stvar člana 10 a) koji kaže ako klubovi naroda i ostalih prilikom predlaganja kandidata za predsjedavajućeg ili zamjenika predsjedavajućeg skupštine ne mogu predložiti kandidata zbog istog broja glasova izbor će se izvršiti žrijebanjem i to između kandidata koji imaju isti broj glasova. Dakle nije to niko izmislio, to stoji u ovom Poslovniku. I Skupština je donijela ovaj Poslovnik koji mi moramo jednostavno poštivati. Ja bih se isto ponašao da je gđin Stojanović ovaj put imao više sreće. Mislim ista bi stvar bila samo eto nije.

Predsjedateljica:

hvala lijepo uvaženi zastupniče Čampara.

Molim predsjednika Kluba Hrvata da predloži kandidata za izbor predsjedavajućeg ili zamjenika predsjedavajućeg Skupštine Kantona Sarajevo iz reda Hrvatskog naroda. To je uvaženi zastupnik Damir Marjanović, izvolite.

poslanik/zastupnik Damir Marjanović.

Zbog x hormosoma dođe. Kada već pričamo o sreći, ja moram da kažem da smo mi imali sreću, ustvari da sam ja osobno imao sreću kao član Kluba Hrvata i da je kolegica Danijela Kristić prihvatila moj prijedlog da bude predsjednica Kluba ali ujedno i da bude naša kandidatkinja za predsjedavajuću ili zamjenicu predsjedavajućeg Skupštine Kantona Sarajevo.

Predsjedateljica:

hvala lijepo uvaženi zastupniče Marjanoviću. A sada molim predsjednika Kluba Srba da predloži kandidata za izbor predsjedavajućeg ili zamjenika predsjedavajućeg Skupštine Kantona Sarajevo iz reda Srpskog naroda. Izvolite uvažena zastupnice Viteškić.

poslanik/zastupnik Smiljana Viteškić:

hvala lijepo. Evo kao što ste čuli, skoro da ne moram da se javljam, Klub Srba je žrijebanjem odlučio da predstavnik u Kolegiju Skupštine bude Smiljana Viteškić. Hvala vam.

Predsjedateljica:

hvala lijepo uvažena zastupnice Viteškić. A sada molim predsjednika Kluba Ostalih da predloži kandidata za izbor predsjedavajućeg ili zamjenika predsjedavajućeg Skupštine Kantona Sarajevo iz reda Ostalih. Uvažena zastupnica Segmedina Srna Bajramović izvolite.

poslanik/zastupnik Segmedina Srna Bajramović:

zahvaljujem predsjedavajuća. Pozdravljam sve prisutne. Pa evo u skladu sa članom 10. Poslovnika Skupštine Kantona Sarajevo Klub Ostalih u Skupštini Kantona Sarajevo bira i predlaže Vibor Handžića za mjesto predsjedavajućeg ili dopredsjedavajućeg Skupština Kantona Sarajevo. Zahvaljujem.

Predsjedateljica.

Hvala lijepo uvažena zastupnice Bajramović. Evo konstatujem da je Skupština potvrdila ova imena, odnosno da smo čuli ova imena. E sada molim da se izjasnimo glasovanjem o ovim kandidatima.

Otvaram glasovanje. Zaključujem glasovanje.

KONSTATIRAM DA JE 22 BILO ZA, PROTIV JE BIO 1 I 8 JE BILO SUZDRŽANO.

Dakle Skupština je prihvatila novoizabrane kandidate za predsjedavajućeg ili zamjenika predsjedavajućeg iz reda, bošnjačkog, hrvatskog, srpskog naroda i reda Ostalih naroda.

Također moram da vas obavijestim da u skladu sa čl. 10. stav 3. Poslovnika ove Skupštine četiri kandidata čiji je izbor potvrdila Skupština oni sada moraju između sebe da odluče ko će biti predsjedavajući Skupštine i odluku saopšte Skupštini, te u tom smislu moramo opet dati pauzu od 30 minuta. Evo uvaženi zastupnik Konaković izvolite riječ.

Poslanik/zastupnik Elmedin Konaković:

pa to sam htio pauza je kraća, ali samo da konstatujem da Klub SDA nije ispoštovao volju klubova naroda i nije podržao prijedloge klubova naroda za rukovodstvo Skupštine. Hvala vam.

Predsjedateljica:

hvala lijepo. Onda ćemo imati pauzu, koliko vam treba? 15 minuta. Hvala lijepo. A izvinjavam se prijavio se uvaženi zastupnik Dević. Izvolite.

Poslanik/zastupnik Mahir Dević:

poslovnička intervencija se odnosi na ovo što je kazao kolega. Mi nije da nismo ispoštovali volju naroda, već nismo učestvovali u dijelu parlamentarne većine koja je ovo radila. Znači. Odnosi se na tu vrstu priče.

Predsjedateljica:

hvala lijepo. Sada dajem pauzu od 15 minuta. Hvala lijepo.

NASTAVAK NAKON PAUZE

predsjedateljica:

evo nakon ove pauze pozivam potvrđene kandidate da Skupštini saopšte odluku ko će biti predsjedavajući, i ko će biti zamjenici, odnosno imenovanje radnog tijela Skupštine Kantona Sarajevo. Ko će se javiti, uvaženi zastupnik Elmedin Konaković izvolite.

Poslanik/zastupnik Elmedin Konaković:

hvala predsjedavajuća. Dakle, na brzom kratkom Kolegiju, zato sam i uzeo riječ, izabran sam da predsjedavam skupštinom Kantona Sarajevo, da dopredsjedavajući Vibor Handžić, Danijela Kristić, Smiljana Viteškić ovim redom budu dopredsjedavajući.

Predsjedateljica:

hvala lijepo uvaženi sada već predsjedavajući Konaković. Ja pozivam radno tijelo da zauzmu ovo mjesto i da se pozdravimo u miru.

/ Novoizabrani predsjedavajući Skupštine Kantona Sarajevo Elmedin Konaković preuzima dalje vođenje Skupštine /

Predsjedavajući Elmedin Konaković (u daljem tekstu predsjedavajući):

Dobro. Još jednom vam se srdačno zahvaljujem za povjerenje koje ste mi ukazali da obnašam funkciju predsjedavajućeg Skupštine Kantona Sarajevo. Zaista čvrsto obećavam da ćemo sve učiniti od sebe da radeći ovaj posao olakšamo život građanima Kantona Sarajevo i da naša funkcionalnost ne bude dovedena nikada u pitanje. Koristim priliku da se od srca zahvalim još jednom našoj predsjedavajućoj Ani Babić, našim dopredsjedavajućim Sabahudinu Delaliću koji je ovdje sa nama u sali i Seji Bukvi koji nije jer su u teškim političkim okolnostima svoj posao radili časno, pošteno, vrlo odgovorno i zaista su doprinostili, a to mogu reći u ime bivšeg premijera Vlade da se stvari u ovoj sali odvijaju normalnim tokovima. Također bih zamolio da ukoliko neko od kolega eventualno ima potrebu da se obrati Skupštini i javnosti, to ovom prilikom učini. Vibor Handžić.

Dopredsjedavajući Vibor Handžić:

zahvaljujem predsjedavajući. Srdačno pozdravljam sve prisutne, članove Vlade, zastupnike, goste, gledaoce kraj malih ekrana. S obzirom da se u ovom mandatu prvi put javljam, želim svim izabranim zastupnicima i zastupnicama da čestitam i zaželim uspješan mandat. Zahvaljujem se u svoje ime gđi Segmedini Srni Bajramović i kolegi Edinu Forti koji su me ispred Kluba Ostalih predložili za ovu funkciju, kao i svim zastupnicima koji su me na ovu funkciju izabrali kao i na povjerenju koje su mi ukazali. I kratko dobio sam mandat ispred potpredsjedavajući da se u ime svojih kolegica zahvalim na njihovom izboru na ovu funkciju. Hvala.

Predsjedavajući:

hvala Vibore, ipak će kolegica Smilja Viteškić nekoliko riječi, izvolite.

Dopredsjedavajuća Smiljana Viteškić:

hvala lijepo. Ja također pozdravljam sve prisutne u sali i sve one koji prate naš rad putem medija. I ovom prilikom želim da se zahvalim svima koji su me predložili i podržali na ovom teškom putu dobijanja mandata u Skupštinu Kantona Sarajevo. Obećavam da ću kao i uvijek do sada biti na pravom putu za boljitak građana Kantona Sarajevo. Danas se zahvaljujem svojoj sreći u činu žrijebanja za ovo mjesto i nadam se da će me pratiti u ovom poslu koji slijedi. Hvala vam lijepo.

Predsjedavajući:

zahvaljujem kolegice Viteškić i konstatujem da zbog okolnosti u kojima CIK nije donio jasne propise o izboru delegata za Dom naroda, ponovo konstiturajuću sjednicu moramo prekinuti. O njenom nastavku bit ćete obaviješteni kada se za to steknu uslovi, a redovne procedure očekujte vrlo brzo jer smo već dobili imena neka imena ko nije dostavio šefove klubova neka to učini što prije u službu jer će Kolegij početi sa funkcionisanjem vrlo brzo, kako bi smo dinamiku definisali,

dinamiku oko praćenja procedura budžeta za narednu godinu. Zahvaljujem se još jednom i vidimo se vrlo brzo.

S T E N O G R A M
2. NASTAVKA KONSTITUIRAJUĆE SJEDNICE
SKUPŠTINE KANTONA SARAJEVO
održane 31.01.2019.godine

Predsjedavajući Elmedin Konaković (u daljem tekstu predsjedavajući):

Otvaram nastavak Konstituirajuće sjednice Skupštine Kantona Sarajevo. HIMNA BiH.

Pozdravljam uvažene kolege i kolegice zastupnike, članove Vlade i uvažene goste kao i predstavnike medija koji prate rad današnje sjednice.

Nadam se da će cijenjeni gledaoci Televizije Kantona Sarajevo, sa pažnjom pratiti rad današnje Skupštine, te im upućujem pozdrave, a svima nama želim uspješan rad i ugodnu radnu atmosferu.

Prema evidenciji Službe, brojevi se mijenjaju, 34 jel tako, prisustvuje 34 zastupnika što je dovoljan broj za punovažan rad i odlučivanje.

Izostanak sa ove sjednice nije opravdao niko. Očekujemo da će nas biti 35 kao što se obično dešava na ovakvim sjednicama.

Podsjećam da smo na zasjedanjima koja su održana 16.11.2018. i 28.11.2018. godine obradili prve 4 tačke dnevnog reda Konstituirajuće sjednice, te nam je danas preostala tačka 5. Izbor delegata u Dom naroda Parlamenta F BiH.

Predlažem sljedeći scenarij, još je jednom potrebno da se Komisija za izbor i imenovanje sastane prije glasanja, pregleda sve glasačke listiće, utvrdi i evidentira tačan broj, da nakon toga izvršimo glasanje. Tako da odmah dajem pauzu od pola sata i pozivam Komisiju za izbor i imenovanja u salu 100. Zastupnike molim da budu blizu i strpljivi, neće ovo trajati predugo. Pa kad završimo nastavljamo. Pola sata, a ako bude ranije doći ćemo i ranije. Hvala.

NASTAVAK NAKON PAUZE

AD – 5.

IZBOR DELEGATA U DOM NARODA PARLAMENTA FBiH

Predsjedavajući:

cijenjene kolegice i kolege, nastavljamo sa radom Konstituirajuće sjednice. Nakon pauze, u pauzi je Komisija za izbor i imenovanja pripremila glasačke listiće po klubovima naroda. Zapečatila tačan broj plus rezerve. Kod Kluba Bošnjaka 29 plus 4 rezervna listića. Ukoliko neko pogriješi prije ubacivanja u kutiju ima pravo zatražiti drugi listić. Za Klub Srba smo dva plus jedan rezervni predvidjeli. Za Klub Ostalih dva plus jedan. Za klub Hrvati dva plus jedan. Dakle, glasat ćemo po klubovima. Glasanje je tajno. Komisija je dogovorila u prvom redu će sjediti i nadzirati proces glasanja. Mi ćemo, kolega Handžić, može i kolegica Danijela sići

u prvi red da ne problematiziraju, nećemo gledati kako ko glasa, pa da se ipak vidi da nema nikakvih duplih dvostrukih listića. Jako je bitno i najvažnije da je nevažeći listić na kojem se glasa za kandidata. Dakle glasanje se vrši isključivo za listu u kvadratić pored liste, ako na izborima. A glasanje, zaokruživanje pojedinačno kandidata proizvodi nevažeći listić. Pa vas molim da na to posebno obratite pažnju. Ako se slažete da krenemo, krenut ćemo od Kluba Hrvata. Dakle otvaramo kovertu koju smo zapečatili potpisali sa tri listića. I pozivam kolegicu Danijelu Kristić dakle jedan listić kolegica Danijela Kristić da izvrši glasanje i ubaci, za govornicom se glasa kolegice Kristić. Molim kolegu Damira Marjanovića da pristupi glasanju. Jedan listić za Damira Marjanovića. Kolegica izvolite, za govornicom se glasa. Iskustvo nas je na to natjeralo. Dakle kvadratiće. Jedan listić viška ostavljamo ili ćemo ga odmah uništiti. Dakle listić nije bilo potrebe za ovim dodatnim.

Dakle Klub Ostalih, zapečaćena koverta. Pozivam kolega Vitor Handžić. Glasački listić, izvolite kolega Handžiću. Ne za kandidata. Molim kolegicu Srna Bajramović Segmedinu da pristupi glasanju. Jedan listić izvolite. Još jedan listić viška. Ostali.

Sljedeći je Klub Srbi. Pozivam dopredsjedavajuću Smiljanu Viteškić. Izvolite vaš listić. Ovdje nije toliko bitno o kvadratićima. Zahvaljujem kolegice Viteškić. Kolega Igor Stojanović. Vaš listić. Zahvaljujem kolega Stojanović jedan listić viška.

Dakle i ovaj proces smo završili. Klub Bošnjaci, 29 plus 4 rezervna. Pozivam kolegicu Admelu Hodžić. Abecedni po imenima. Jedan listić vaš, kvadratić pored liste. Ko ima potrebu da uslika i pokaže nije problem. Kolega Aljoša Čampara. Izvolite kolega Čampara. Zahvaljujemo. Kolega Amel Mekić. Evo ga jedan listić, izvolite, kvadratić pored liste. Kolegica Amra Hasagić. Jedan listić. Kolegica Amra Junuzović Kaljić. Da kolegica ubaci listić, živahan je. Izvolite doktorice, izvolite. Ako se slažete da ja glasam zadnji po abecednom redom ili može kolegica Smilja, svejedno je. Ja ću zadnji glasati. Kolegica Arijana Memić. Zastupnice izvolite. Zastupnica Bibija Kerla. Zastupnica Bilsena Šahman. Zastupnik Damir Nikšić. Zastupnik Dževad Poturak. Ovo je malo da zbunimo neprijatelja da ne bude niko siguran kako će izgledati. Zastupniče izvolite. Ja sam po abecedi na redu, ja ću glasati zadnji, nakon što završimo prozivku. Zastupnik Elvedin Okerić. Zahvaljujemo kolega Poturak. Zastupnik Elvis Vreto. Zastupnik Hamed Aljović. Zastupnik Haris Pleho. Uvaženi zastupnik Fahrudin Pecikoza. Zastupnica Jasmina Bišćević Tokić. Izvolite. Zastupnica Jasna Duraković. Zastupnik Mahir Dević. Zastupnik Mirza Čelik. Zastupnica Neira Dizdarević. Zastupnik Sabahudin Delalić. Zastupnik Samir Suljević. Izvolite kolega Suljević. Zastupnik Sead Milavica. Molim malo mir u sali. Zastupnica Samra Čosović Hajdarević. Zastupnik Senad Hasanović. Zastupnik Vedran Jakupović. Zastupnica Vildana Bešlija. Zastupnik Zvonko Marić. U ovoj koverti trebaju biti četiri prazna listića. Evo ga jedan, evo ga drugi, treći, četvrti. Dobro, dakle time smo završili

proces glasanja. Molim Komisiju za izbor i imenovanja u salu 100 na prebrojavanje. Mislim da nam je za 15 minuta brojanje gotovo. Budite spremni, brzo ćemo nastaviti. Zahvaljujem. Pauza.

NASTAVAK NAKON PAUZE

Predsjedavajući:

dobro, dakle nastavljamo sa radom i čitam vam Izvještaj Komisije za izbor i imenovanja. Poslije završenog glasanja Komisija je utvrdila da je glasalo 35 zastupnika a nevažećih glasačkih listića nije bilo. Za listu za izbor delegata u Dom naroda FBiH iz reda bošnjačkog naroda glasalo je 29 zastupnika i to:

za kandidatsku listu Naša stranka nije bilo glasova, kandidatska lista Jasmina Bišćević Tokić bez glasova, kandidatska lista Zvonko Marić 9 glasova, Kandidatska lista DF 3 glasa. Kandidatska lista SDA 9 glasova. Kandidatska lista Okerić Elvedin 8 glasova. Za listu za izbor delegata u Dom naroda FBIH iz reda srpskog naroda glasalo je 2 zastupnika, i to: kandidatska lista SDA 1 glas, kandidatska lista SDP 1 glas. Za listu za izbor delegata u Dom naroda FBIH iz reda hrvatskog naroda glasalo je dva zastupnika, i to: kandidatska lista Danijela Kristić 2 glasa. Za listu za izbor delegata u Dom naroda FBIH iz reda Ostalih glasalo je dva zastupnika i to: za kandidatsku listu SDP 1 glas, i za kandidatsku listu Naša stranka 1 glas.

Komisija je pripremila glasačke listiće u skladu sa Uputstvom u postupku provedbe posrednih izbora za organe vlasti u BiH obuhvaćenih Izbornim zakonom BiH. Redoslijed kandidatskih listi utvrđen je žrijebanjem o čemu je sačinjen zapisnik koji je sastavni dio ovog izvještaja.

Time smo iscrpili dnevni red Konstituirajuće sjednice. I ovom prilikom je zatvaram. Zahvaljujem se zastupnicima. Hvala vam.